

Ким уларни кундузи айтса, кеч киргунича унга бирор мусибат етмайди



10:54 / 17.01.2023 1828

Талқ ибн Ҳабибдан ривоят қилинади:

«Бир киши Абу Дардо розияллоҳу анҳунинг олдларига келиб: «Эй Абу Дардо, уйингиз ёниб кетди», деди. Абу Дардо эса: «Аллоҳ азза ва жалла бундай қилиши мумкин эмас. Чунки мен Расулуллоҳ соллаллоҳу алайҳи васалламдан бир нечта калимани эшитганман. Ким уларни кундузи айтса, кеч киргунича унга бирор мусибат етмайди. Ким уларни кечки пайт айтса, тонг отгунича унга бирор мусибат етмайди, деганлар. У дуо қуйидагича:

أَشْأَمَ مِطْعَمِ الشَّرْعِ الْبَرِّ وَأَوْتِكَ وَتَعْتَنِي أَلْهَلْ أَلْهَلْ الْبَرِّ تَنْأَمُ هَلْ لَطَاحُ هَلْ لَأَوْ رِي دَقِّ عَيْ شَرِّكَ تَعْتَنِي هَلْ لَأَنْ أَمْلَعُ، نُنْكَي مَلْ أَسْهِي مَلْ أَمَوْ نَاكُ هَلْ لَذِخْ تَنْأَمُ بَادِلْ كَرِّشْ نَمَوْ سِفْ نَدَّرْشْ نَمَكُ بَدْوَ عِ نِي هَلْ لَأَمْلَعُ عَيْ شَرِّكَ بَمِ قِ تَسْمُ طَارِصْ تَعْتَنِي بَرِّ نِ أَوْ تَيْ صَانِب

«Аллоҳумма анта роббий, лаа илаҳа илла анта ʔалайка таваккалту ва анта роббул ʔаршил ʔазийм. Маша`аллоҳу каана ва маа лам йаша` лам якун. Лаа ҳавла ва лаа қуввата илла биллаҳи ʔалиййил ʔазийм. Аъламу анналлоҳа ʔала кулли шай`ин қодийр ва анналлоҳа қод аҳато бикулли шай`ин ʔилма. Аллоҳумма инний аъзузу бика мин шарри нафсий ва мин шарри кулли даббатин анта ахизун бинасийатиҳа, инна роббий ʔала сиротим мустақийм».

Маъноси: Аллоҳим, Сен парвардигоримсан. Сендан бошқа илоҳ йўқ. Сенга

таваккал қилдим. Сен улуғ арш Раббидирсан. Сен хоҳлаган нарса бўлади, хоҳламаганинг бўлмайди. Улуғ ва олий Аллоҳдан бошқада ўзгартириш ва қувват йўқ. Албатта, Аллоҳ ҳар бир нарсага қодир эканини биламан. Албатта, Аллоҳ ҳар бир нарсани илми билан иҳота қилгандир. Эй Раббим, нафсимнинг ёмонлигидан ва пешонасидан тутадиганинг ҳар бир ҳайвоннинг ёмонлигидан Сенинг номинг ила паноҳ тилайман. Албатта, эй Раббим, Сенинг йўлинг тўғри йўлдир.

Ибн Сунний ривоятлари.